

周官備考

若水自序
坤



口七12
1.372
2止



門仁12
箱1312
卷2止

周官定說備考

六

大祝



○六祝

六祝之名有未詳者今引歐陽氏及義

疏以姑備一說

歐陽謙之曰年祝如祈穀於

上帝與社稷瑞祝祥瑞之祝辭古人得祥瑞必

歸功於神也

義疏曰順祝天地宗廟之常祝

也祭統備者百順之名禮運時為大順次之

天地之祭宗廟之事順也吉祝如吉禮卜日之

祝是也化祝天地有異哉而祝其消化也筴祝

如金縢冊祝既祝而藏其冊者是也

○同鬼神示

義疏曰鬼神不與人同心災

爲乃見故以祈禮用之。此時而祭上帝曰類。非時而祭祖稱曰造。

○一日類。先鄭引詩及爾雅以為師祭者非。賈疏詳辨之。

○通上下親疎遠近。禎按云通者以此六辭。

通志於鬼神示也。義疏曰上下天神地示也。

親疎由禘至親盡也。遠近四望五祀之類。

○一日祠云。又曰祠因事舉祭告神之祝。

辭也。會者昭衆神而要言。春秋傳所謂司慎。

司盟。名山名川。羣神羣祀。先王先公。七姓十二。

國之祖。明神。殛之。是也。鄭鏗曰。命如命。龜。

之命。記曰。假爾秦龜。有常。假爾秦筮。有常。是。

乃所以命之也。毛應龍曰。告如武成。告于皇。

天后土。金縢。乃告大王。王季文王。是也。

○振祭。擗祭。絕祭。繚祭。

義疏曰。士虞。特牲及少牢。礼言振祭。而不言擗。

是振原有不擗者。注專以肝之既擗。復振言。

似未盡。又肺有二種。曰祭肺。曰舉肺。祭肺則已。

絕者。直祭之而已。舉肺則少儀所云三牲之肺。

離而不提心者。必繚而絕之。乃可以祭。絕祭。繚。

祭之別蓋在於此

○振動 未詳 義疏從後鄭

○奇拜 褒拜 鄭大夫稍近是

○甫拜 義疏曰甫拜最輕惟軍中有此婦

人則以甫拜為正

○大禋祀 肆享祭示 按大字蒙下三事

劉敞曰大禋祀祀天圓丘肆享宗廟大禘禘

祭示祭地方澤

○號祝 義疏曰舉神示之號以祝也如皇天

上帝皇祖后稷之類特牲禮曰皇祖某子少牢

禮曰皇祖伯某亦是

○陪饗 未詳 義疏曰陪當為陪祭陪饗

與侑皆令鍾鼓大祝先令之大司樂承而令之

此節經文疑有訛倒

○末磬令皋舞 今字似當在末磬上或曰

末磬大祝親之皋舞則令之也

○徹奠 二事也小祝職曰贊徹贊奠蓋贊

大祝也

○大會同云 義疏曰據此則大會同不專在

王國之外而王亦往就群侯而會焉

○禁督逆祀中者 王昭為非所命而祀則
在所禁 命之祀而弗祀則在所督也

小祝

○將事 義疏曰謂將號祝之事如下文也

○順豐年 又曰豐穰之後仍祈有年是之

謂順

○彌裁兵 彌蓋與弭通

○贊徹贊奠 義疏曰此四字當在大喪贊

海之下簡錯在此

○道齋之奠 又曰生人行道必有齋故於葬

曰道齋之奠

○分禱五祀 又曰謂遣人分祭

○饗祈號祝 三事

○保郊 鄭錫曰四郊兆域皆神之所處人心不

安神或失所依故就其所保而守之以安神也

喪祝

○勸防 未詳義疏從後鄭

○及祖 祖者葬前一日於祖廟之庭也

○飾棺乃載 義疏曰載在飾棺之前而倒言之

者與下遂御之文相承接其義乃顯也

○說載除飾 教繼公曰此禮當先除飾乃說
載

○勝國邑之社稷 王安石曰勝國邑之社
稷喪之類故喪祝掌其事 王應電曰謂勝
國之社稷或在國或在邑者民素禱祠而獲
應故有祭祀禱祠以士師為之尸

○余奠于祖廟福亦如之
舊讀余奠于祖廟為一句或曰祖廟福猶曰
祖廟廟祖廟之間夾廟字者蓋與唐土夢同
文法古書多有此例亦一說

司巫

○帥巫 巫言女巫也

○巫恒 未詳義疏以為杜義稍長

○共匱主云一 鄭錫曰主在廟則藏於石室謂
之宗祧及合祭於大廟則以匱盛之藉者鄉師
所謂共茅藉也盛藉名曰館者如館舍然謂
茅託於其中也三者皆司巫所共以其與神
交

男巫

○授號 蓋授神號於詛祝以招其神

○耆招 鄭鈔曰神未與方招之亦非一方故
口旁招

○弭 如字

○王帛則與祝前 李嘉會曰王帛祝當往巫
亦與焉者祝以辭巫則以桃茢除不祥也

女巫

○與祝前 祝蓋女祝賈疏是

大史

○掌建邦之六典云 義疏曰云建者齊舉
損益得與大宰共酌定也法則不言建該於六

典也既掌建曲又逆其治則邦國都鄙官府之
治成達於六官者皆別達於大史以聽鈞考可知
年

○凡辨藻者攷焉 大史掌典法則故凡辨法者
皆末考信於此也 義疏曰家宰體重而事繁

故辨法者使止於大史

○貳六官六官之所登 黃度曰重出六官二字

疑行 按登蓋言登于冊也

○辟瀆 鄭鈔曰特移事變久而或亂彼此相疑
則大史格舊推以示之

○正歲年 或曰歲言夏時年言周時蓋周雖改正朔如民間則猶用夏時也詩豳風之所言可以見焉周官曰正歲者亦以夏正言也蓋夏正便於民事也故正歲年之分以次序民事也雖未詳是否亦一說

○以序事 王應電曰敘事者若書之東作西成南訛朔易月令之春而布德秋而明刑之類

○告朔 據論語則後鄭似為疑

○辨事者 事言祭祀之職事也

○抱天時 蓋記天時之書也 王應電曰

天時謂時日支干孤虛王相及星辰變動軍衆用以行止者

○與大師同車 義疏曰大師聽軍聲必與大史同車者同律之聲必合時日以為古武王伐商吹律聽聲推孟冬以至季冬殺氣相併而音尚宮是也

○舍算 鄭鈔曰大史職當記註故釋算以記其中之數也

○執其禮事 蓋亦執記禮事之書也 鄭鈔曰禮事凡射時之升降威儀皆是

小史

○掌邦國之志

鄭經曰邦國之志則志諸

侯所出之繫與其廟祧昭穆如魯出於周公

鄭出於桓心傳序浸多昭穆久而或亂故王朝

亦有志以記而小史掌之

○若有事

義疏曰注疏專以有事宗廟而

尚未盡古者大夫歿君不舉其名王時巡舍於

諸侯之祖廟亦當有忌諱記所謂以禮籍入正

小史之事也

○詔王之忌諱

以王之所當忌諱之事

詔之王也

○讀禮禮云

義疏曰大史與群執事讀禮

法而主讀者小史也史小史之為史也

馮相氏

○十有二歲

義疏曰大歲十二年一月木星亦十

十二年一月有似大歲故名歲星是歲星大歲而

得名而大歲究與於歲星也此節掌十有二

歲事為大歲

○不復致日云

又曰致日致月即書敬致

之義也日行出入於赤道有北至南至之殊月

行出入於黃道有陰歷陽歷之分夫冬夏致日
注義盡之矣而致月必於春秋者蓋春秋二分
當黃赤二道之交此時測月之弦望可得陰陽
歷之真度而氣之至不至可知矣

保章氏

○掌天星 易後曰志日月星辰之變動而獨
言掌天星者步占之法以星為主以天象言則
為變動以人事言則為遷西者相參斯辨吉
凶矣

○星辰日月 義疏曰先是辰於日月者所掌天

星也

○星土 分野之說蓋自古有之不可知其誰
作之然亦足以為戒則至周亦存之因建官
使掌之耳

○十二歲之相 其詳未可考

○五害之物 義疏曰害物隨所見而占之不必
指定日旁

○降黜受荒之祲象 王昭高曰氣謂之祲形謂之
象降者下之於其國使民知之先事而為之備
也

○命乘別之妖祥 王安石曰命謂名言也

鄭銜曰不知為飛不應為別

○十有二風 十二辰之氣所發即十二風

○詔救政訪亭事 王安石曰詔以詔上訪以

訪下救政凶災之以亭事救政之事所當緩急
先後

內史

○國法國令 鄭銜曰法者一定之法令者一

時之令內史皆執其責與大宰司會相參稽

○受納訪 王昭為曰納謂納言於上若書所

謂納言是也訪謂訪事於下若書所謂王訪於
箕子是也

○王制祿則贊為之也

王應電曰制祿者司祿內史則主贊之賞賜

大則司勳之賞地小則王存以齊之好賜予是也

○內史掌書王命 王命則內史親書之故特

掌內史

外史

○書名 王安石曰書名者字也字一所以正名百

物故謂之名

御史

○萬民之治令 王昭為口治則大率主之其令則御史掌之故以贊掌丞為職

○掌贊書 義疏曰贊書謂書凡治者所受之法令也故置員多其史至百有二十人

○凡數從政者 鄭諤曰數則以小數計之凡則以總數計之知其凡數則官之冗者可知

中車

王應電曰車之為器至重故周官特設中車以掌公車之政令典路掌王車之駕車僕掌兵車

之萃各分其職所以志專而事辨也中車兼統之故其秩為下大夫

○建大常 義疏曰此職及司常大司馬皆曰王建

大常則諸侯以下不得建明矣而大行人九旂七旒五旒皆曰建常何也旗常者徵幟之通稱也故司

常掌九旗之物名而統之曰常春秋傳三辰旂旗昭其明也大常而外無畫三辰者而統之曰旗則知

旗常可互稱而大常則惟天子得建之矣

○同姓以封 同姓則以是金路封之也注曰畫服猶上公恐亦以其同姓之親故特賜是金路

大旂以封之也。如其畫則侯伯乃用七命之數耳。

○容蓋 王志長曰容謂車帷施於旁者蓋謂車蓋施於上者。

○有握 義疏曰握疑如帷幕幄帝之帷謂自較而上以掌者覆其頂也。故注云有握則無蓋矣。握之下亦如裳帷與。

○翠 爾雅云大角謂之翠。

○素車 以下多未詳者姑從注疏解之。

○飾遣車 義疏曰疏謂以金革蒙飾之非。

也。彼工官之事中車所掌謂設障蔽耳。

○執蓋云 蓋中車二人一人執蓋一人持

旌。義疏曰別起持旌之文於執蓋後者明執蓋者後從而持旌者前導也。

○更續 連讀一事。

○鳴鈴 歐陽謙之曰雞人呼且中車鳴鈴以應之。示車已夙駕也。中車已駕則王不取緩於金車之節況執事者乎。

典路

義疏曰中車通掌車政典路第掌五路之名。

物駕說故分一職

○帛于四方 易被口謂因會同軍旅而行帛事

車僕

○革車 王安石曰蓋輜車之有屬蔽者

○輕車 王昭鳥曰孫武曰馳車千駟又曰輕車

先出其側蓋用之馳敵致利非輕不可故馳車

又謂之輕車

○共革車 革車蓋言廣車以下乎革路則

巾車之所掌而廣車以下掌其正者它無所

見焉承上文雖皆曰其革然以下凡師共革

車及大喪欽革車之文觀之則車僕似併掌

其正矣

司常

鄭鐸曰大常九旗之一耳獨以司常名官何也旗可

謂之旂旌亦可謂之常也以下引郊特牲象記觀禮

○有屬 王安石曰各有屬則自王以下其臣民各

有屬建旗則使之視而從焉

○孤卿建禮云 義疏曰孤卿謂為主帥者即大

司馬中執治兵之軍吏也大夫士有職事於軍中而

不與行陳圍禁之事下文云官存大司馬職云百

官是也師都謂公卿大夫之米地州里謂六鄉州長職云大致州里足以見之縣都謂六遂其四等公邑亦存焉米地御遂公邑之車徒分隸於六軍之主帥其所建則為旗為旐為旒也大閱之旗物不列於大司馬而著於此者司常為旗物之專司而大閱為時田之極盛也大閱而道車存車放從者王行雖信宿不祭朝夕之朝若以巡狩會同而講武則視四方之聽朝是也如宣王會諸侯於東都而田於甫草之類

○畫其象 象蓋方象之象 鄭鈔曰熊虎

鳥隼通蛇之屬可畫 寧其名號何以畫當從杜十春作畫

○及莽亦如之 義疏刑註轅車二字然後義自分曉

○凡軍事建旌旗云 義疏曰以義揆之似車上曰建樹於地曰置蓋致氏宜樹旗於壇不宜建於車也而大司馬職建旗於後表之中豈建樹相對則義有別而散文可通邪

都宗人

○都祭祀 注王子弟則大其祖王之廟義疏駁

之曰公廟設於私家非祀也。祖王之廟，王子弟
焉得立之。諸侯不得祖天子，大夫不得祖諸侯，若
王子弟得立廟，則本支無別而統不歸於一。一
而可乎。然左氏所云都邑先君之廟，則固間有
之。蓋或遷國而舊都所在如豐，豈有文王廟。晉
廟在曲沃之類，或特營都邑而立之廟，如洛
邑有文武廟之類，其祭朝廷自領之。

家宗人

○掌家禮云：王昭高曰：都家宗人其典祀一也。言或詳略以互見為義。

凡以神仕者

義疏曰：卜史祝巫宗人諸職皆有事於神，此以神
仕者。未受官而學藝以待用者。

○以禱國之凶荒云：又曰：天神地示諸祀，大宗
伯掌之，而六卿之正貳以及祝史胥有事焉。以神仕
者微矣，不足以異其禮也。此以天神人鬼地示物
魁雜言之，明非神示之尊者。於冬夏至致之亦
不成為祭也。以諸人未有職若使之肄業焉。甫
云以禱者，此是則無以為名也。

大司馬

呂祖謙曰國事莫先於政也。獨戎事謂之政者，富兵於農，縮也。合聯賦役百為，於是乎施，是固政之所從出也。天下有事，則舉兵討亂，邦之安危係焉。政孰大於此哉。

○大司馬行司馬

黃度曰：大司馬掌車行司馬掌

徒軍司馬兼掌之

○凡制軍云

註：位一比西一閣云。王應龍以為

六軍蓋通王畿千里，更調而用之。觀四時教閱之旗物，號名必兼州里縣都家，可見矣。按註之所

言，則是常法。其實則應若王氏所言矣。

○二府六史云

是不常遣軍出則從

○邦國之九瀆

即下文之九事。義疏曰：大

宰建六典，司徒建土地之圖，宗伯建三禮，司寇建三典，皆曰邦。獨九瀆之建，曰邦國者，四官所建皆王邦之典，而侯國兼用之。九瀆則專為侯國設也。

○制畿封國

又曰：必使疆界分明，不相淆混，乃所以絕其爭奪之源也。

○進賢興功

王氏曰：若王制所謂有功德於民者

加地進律

○建牧立監 義疏曰牧即所封之五等守土以

牧民者監謂方伯連帥相監臨也

○施貢分職 職方氏制其貢各以其所有制其

職各以其所能 義疏曰分職謂王巡狩征伐小

大之國各有所承之職事春秋傳所謂各脩四職

如衛取於有闕之土以共王職是也

○簡稽鄉民 王昭曰大國三鄉次國二鄉小國

一鄉簡其疆弱稽其衆寡然後衆可用

○均守平則 義疏曰均守平則所以邦國之都

家也三卿二卿一卿所守地邑多寡各有定分是

之謂均爵有尊卑而人則無同異是之謂平

○書之 又曰書病之也

○壇之 未詳先鄭稍似近是

○柱之 未詳 義疏曰限隔以外不得復其人

通與獄城類矣 一說

○外以亂 言男女無別

○邦國之政職 義疏曰政職主軍旅會同田役

所賦車徒之數而職方氏所謂制其職各以其所

能制其貢各以其所有者亦存焉

○凡令之賦云一 朱子曰賦兵也古者以田賦出兵
故謂兵為賦 義疏曰凡令賦見此職所言乃散
賦賦鍾之賦與九賦異也所令蓋兼六服羣侯
之軍賦其畿內軍賦大小司徒令之大司徒亦必
聯事焉曰凡則畿內鄉遂心邑家新縣都以
及侯甸甸異法可知矣 周官之法車輦馬牛
兵器旗物民自具之有事征伐則遺人委人
共其道路之資糧別無所謂軍用
○平列陳 又曰在所立表之北中軍未鼓之前
先平列之也平者畫一整齊之意

○辨鼓鐸 王昭禹曰軍法自旅而上然
後有旗以非旗不足以指麾也自旅而上然後有
鼓以非鼓不足以令衆也 義疏曰鼓皆有跡
以植於車左傳沃斬及鼓跡著下寧則鼓下有
跡明矣
○執提 義疏以為提亦建於車上以其鼓較小
偏植之故名提與 或曰鼓之小而可提者
故謂之提與 未知孰是
○教坐作進退云一 於中久大閱所言即是
也蓋詳于彼而畧于此

○有司表貉

鄭錡曰肆師大田獵祭表貉則

為位甸祝掌四時之田表貉之祝號則有司謂

肆師共甸祝也注以大司徒為有司亦也

○芟舍

王志長曰芟舍謂草宿也營壘於

野所戒在夜故教之

○養既以行軍有晝事必有夜事皆所當習夏

月暑熱從舍之役不可以終日故芟舍舍則專以

辨軍之夜事然則芟舍豈晚集而曉散者也

辨號名之用夜事之所尤重也故下文詳言之

○帥以門名

又曰帥狐御為主帥者也縣鄙由六遂末者家

由采地末者即師都也鄉由六鄉末者即州里

也野由心邑末者也百官者大夫士也縣鄙各

以其名如云某遂某縣某鄙也鄉以外名如

云某鄉某州某蠻也野以邑名若魯則武城

汶上之等是也此三者即司常職州里又象其

名者也家以號名如孟孫氏叔孫氏之等皆號

也即司常職家象其號者也百官各象

其事書其官則事具矣即司常職官亦各

象其事者也蓋他時號名亦同可知

○苗田 王昭高曰為苗除禽獸之害故曰苗。
○辨旗物之用云。 義疏曰司常職云大閱頒
旗物此云治兵辨旗物則是大閱與治兵之旗物
固自不同兩經各言其一而中各大閱之旗物即
於司常見之矣此所載與大閱異者軍法之變
也。治兵旗物可變則振旅芟舍及行軍時皆
有變法可推。春秋時有不去其旗而敗者有望
其旗而指目其仇者有納旌於弢中不令敵
人見者此旗物所以有變易之法與。
○師都 公卿大夫之采地。

○鄉遂 六鄉六遂。

○郊野 郊即四郊六鄉之餘地野即六遂之餘
地皆心邑。

○致禽 春夏曰獻禽秋曰致禽蓋互見也。
大閱則詳其文可知四時皆先致禽而後入獻禽
以祭矣。

○中冬教大閱 義疏曰田法戰法之詳至仲冬
始見者必待築場納稼之後乃可徧簡車徒
簪人畜旗物軍器也。行於三時則奪農功而
無地以陳車馬矣。

○建旗于後表之中 又曰蓋當後表之北而建之以其與表相當故云中也而表北之地必可以容六軍可見矣

○群吏聽誓 又曰車徒當陳於後表之北記曰司徒摺扑北面誓之惟陳於後表之北故誓必北面誓畢然後司馬南面令鼓而車徒以次而前也

○以鞞令鼓 上文曰旅帥執鞞則是中軍之旅帥令之也

○車三發 義疏案注以車轉為發恐不然

車既及表可止矣又三轉胡為乎蓋車上主射者三發矢以象殺敵耳

○前後有屯百步 又云禁地之前後各有屯百步以待田畢屯車徒而後各敵其所獲也

○大獸小禽 云獸云禽互文已下分言之者皆然

○獲者取左耳 王應龍曰獲者取左耳如軍法之執馘

○及師 義疏曰下特舉大帥則此云師者司馬奉王命以征伐亦存焉

○行禁令 鄭錡曰所以申明九法也

○掌戒令 易按曰天子親征方伯連帥以師從

軍將帥莫不受戒令於大司馬

○及敘 敘春大司馬敘民於王也

王安石曰鄉師敘民以司徒之大旗則司馬敘民宜以王之大常矣皆示其敘民之命百折受之也

○及戰云 義疏云觀此則大司馬不任軍帥

而兼督六軍更古春秋傳晉軍帥及佐之別別立司馬蓋其遺法

○為其植 未詳 義疏從後鄭

○諸侯之六耦 義疏以為大射以諸侯為六耦當是正射之耦云

○奉馬牲 大司馬奉之者蓋以其職主馬也歟

司勳

○王功 王業草創之功

○國功 持世之傾危保全國家若漢霍光唐郭子儀

○治功 治當世之爭亂

○司勳詔之

註此賈疏得之

○大功司勳藏其貳

義疏云大功銘于大常者

則以詔司常。祭于大常者則以詔典祀王之命。拜其正則二官藏之。而司勳藏其貳云。

○參之一食

注食字偏之王似未穩

後考

馬質

按畜馬者則校人也。馬質者唯辨馬之物賈已。

○質馬 質猶止也

○馬量三物 先定物色賈直以分戎馬田馬

駑馬之等也

易校曰案駟入國馬由馬駑馬

之輒各有尺寸故皆以三物量之辨其物則可定其賈故謂之質

義疏云校人辨馬之六物而馬質所量惟三者惟師田雜役官吏受馬於有

司云

下界

○凡受馬于有司者云

義疏云馬以齒毛為

別更以良駑定其賈之高下旬之外更者其以生時之賈也。以其物更者以既死之皮筋肉物為價也。入馬耳不旬內旬外之所同以物更者且入耳以防抵傷則以全賈更者不待言矣。

○以任齊其行 王氏曰司馬法戎事齊力尚強也田事齊足尚疾也所謂以任齊其行也
義疏案齊其行亦謂服其服齊駮其駮齊則行步勻停而疾徐如意也

量人

義疏曰凡建國大司徒制其域封人封其四疆而已城郭后宮市朝道巷門渠之細非王官之所及也其國自有百人營之而掌於量人封人中士四人下士八人以有出疆之職也量人下士二人兼共軍旅喪祭之役豈能徧管六

版之國邑哉

○建國之法 是主王國言之而建邦國之法則以此為度也

○分國為九州 不曰分邦國而獨曰分國者王畿亦在其中也

○門渠 渠即宮城內外通水之渠
州涂 一渠 義疏云州為一鄉之小成猶

辨号名者鄉以列名之意每涂不必定二千五百人即二千五百人不必定出一列也

○凡祭祀饗賓之數 鄭鑿曰從獻脯燔之數

量便量人制之。義與中車掌路有響聲。因使鳴鈴以應。鷄人車僕掌車。因使大鉞共三之。同義。

○單聲 單字讀後鄭也。是唯註。馭尸據少牢之文。當作尸。馭鄭粗自誤之。其釋傳寫之誤也。鄭鈔曰。聲。聲同。謂受其聲。單之餘。聲而皆飲之。受神福也。

小子

○肉豆 蓋羊肉之盛豆者。派醜也。豚肩不掩豆。亦然。蓋小祭。記不用。祖唯實肉。於豆而羞之。

歟

○而掌珥于社稷云。按珥新亦其牲用羊。故置而字以承上文也。王與之曰。珥當為珥。

如小祝所謂。珥災兵。祈如小祝所謂。祈福祥。

○凡沈辜侯禳云。王昭高曰。沈謂豕。沈辜謂鬻辜。侯謂侯福禳。謂卻禍。易被曰。飾其牲。謂羊牲。被以文繡。

○饗邦岩及軍岩 註引雜記曰。饗之以豕。豚。鄭鈔曰。小子掌用羊血。以饗。注引此以證。岩始成。則饗。亦謂小子。職饗。用豕。豚也。

羊人

蓋與小子職聯事

○凡祭祀飾羔

義疏曰祭祀無用羔者即如豕

詩之獻羔又焉用飾之飾以積者唯卿所執擊之羔耳此二句文不相為中間蓋有闕文

○滷羊

又曰牛人備羊牢禮積牲饗食賓射之牛其滷具列於掌客故言滷羊以該之

○饗積

積未詳

○其費

費二人為羊人

司燿

○時則施火令

時即四時也

易祓曰謂施四時燔燬國火之令

○祭燿

賈疏詳

王安石曰燔火曰燿祭祀

用燿故祭焉

掌固

○脩城郭溝池之

王安石曰司險設國之

立溝立洫而樹之林以為阻固蓋司險樹之掌

固脩之

○國有司

國中有司也未詳指何職

○畫三巡之

賈疏詳

○號戒 易被曰號則呼守者之名戒則警守者之事

司險

按掌固司險蓋辭事掌固掌任人以城郭溝池之守其所掌止畿內司險掌山林川澤自然之險以守之其所管及九州

○阻路 險阻之要路

環人

○環四方之故 曰四方者專主畿內而言之也義疏曰環謂環伺四面或有掩襲衝突之變

故也

○巡邦國 巡邦國而察惡也

○詔敵國 若有敵國則詔諸王也

挈壺氏

○挈壺挈者 鄭錫曰壺者二者挈壺之

職在軍無別事故使兼掌之

○令舍令糧 皆省一軍字

射人

○掌國之三公孤卿大夫之位

黃度曰此即司士朝儀之位公卿大夫初命見于

王則其位如朝儀之位而有聲此射人掌其事也
若將射而非初命何用執下畧

義疏曰射人掌公孤卿大夫司士掌士諸子掌庶
子三職相次則射人之官非專為射設也此朝
位與司士朝位同則路門外之治朝也

○諸侯在朝則皆北面云

義疏曰諸侯在朝或有或無不定若有則皆
北面故云則也諸侯不執執以其朝觀時已執
矣禮之盛者不可執也諸侯非常朝者故射
人詔相之公卿大夫則無庸詔相也下畧

黃度曰外朝諸侯東面賓之也治朝諸侯北面臣之
也

○若有國事則掌其戒令詔相其事掌其治達

義疏云此因上文而遂統言詔相諸侯之事

○王以六耦射三侯又云此謂大射非賓射也

大司馬職合諸侯之六耦謂正射之耦也此云以六

耦射三侯當指初射之耦言之下畧

○九節五正教繼公曰御射之歌五終而鼓

五節其三節先以聽而二節之聞拾發以將乘
矢焉此云五節二正是也王之大射九節五正

請侯七節三正卿大夫與士同

○請侯以四鵠云

與儀禮大射儀異

教繼公曰作經有先後故禮制有隆殺是以異也
雖未詳其義是或然

○狸步

又曰步者量器長六尺者之名如丈尺
尋引之類刻畫狸形於其上以爲識故云狸步

○立于後以矢行告

一句

○令取矢

王昭烏曰令射鳥氏也

射鳥氏職可
合考

○射正

正政通

王應麟

○贊射牲

義疏云王所射者牛耳羊豕小牲

未必親射云

○會同朝覲云

又云此下皆非射事其職之

不專乎射可見矣

服不代

○贊張侯

王昭烏曰凡大射之侯共於司裘

張於射人服不代贊射人張之

羅氏

○作羅襦

未詳

薛季宣曰戴記羅氏致鹿與女以戒請侯曰好
田好女者亡其國非真以鹿致也蓋作羅以示

示之。非真以女致也。作禱以示之。亦一說。

掌吉田

○歲時貢鳥物

義疏曰。注以鳥物為鴉雁之

屬。蓋疑家畜不宜歲時致貢。不知掌吉田所養
無野鳥。貢以歲時。以便膳。獻耳云。下卷

山縣禎考

周官定說

備考

八

司民

○以萬民之數設司寇

設于小司寇也。小司寇職曰。以大比登民數。自生齒以上。登于天府。內史司會冢宰。戴之以制國用。

○王拜受之。先王之重民。可以見矣。

司刺

○三刺。刺字義見于前。

○三宥。宥。減重而之輕也。虞書曰。流宥五刑。又曰。眾疑維輕。是也。此三宥。蓋言宥死罪。

乎。

○三赦

是蓋言罪麗五刑者之類也。若死罪

則恐無全赦之理矣。

馮端臨曰案唐

虞三代之所謂赦者。或以其情之可疑。或以

其事之可疑。然後赦之。蓋臨時隨事而為

之斟酌。所謂議事以制者也。至後世。乃有大

赦之法。不問情之淺深。罪之輕重。凡有犯

在赦前者。則殺人者不死。傷人者不刑。盜

賊姦。先不請於。是赦遂為偏狹之長姦

之門矣。

○求民情斷民中

義疏曰三刺所以求民情

也。三宥三赦亦曰以求民情者。求其情而不在

可宥可赦之列。然後罪無所疑。而中可斷。刑

可施也。求民情求所犯之情也。斷民中

則於群臣萬民所復之。參差不齊者。而斷

以理之中。即中者。所謂執兩端而用中也。

司約

○約劑

王應電曰約者有事相期劑則載

其所約之詞也。凡有約必有劑。故大史職其

此經皆以約劑並稱。

○治功之約 王其之曰如魚在王室藏於盟
存是也 義疏注說正也王氏度亦可備一

義疏黃說今畧之義疏可考

○書于宗彝 注似未穩義疏以為宗廟之
典冊也然稱宗廟之藉曰宗彝所未它見
也則未可以為定說矣姑欠疑

司盟

○盟約之載

易被曰盟而加之以約謂之

盟約之載

王應電曰春秋傳曰盟於亳

北載書曰或聞茲命司慎司盟名山名川率

神率祀先王先公七姓十二國之祖明神

殛之

○既盟則貳之

義疏曰貳在司盟故云載

在盟府其正則其牲俱埋矣王氏昭為謂
其正則藏於天府非也

職金

○丹青

鄭錡曰荀卿言南海則有曾青丹

于注云曾青銅之精可繪畫者所謂青也
此類耳

○受士之金罰貨罰入于司典

士言鄉遂縣都之士也。王應電曰：金罰貨罰並入於司兵者，享果之物不以入經用，其司高職以盜賊之貨賄任器入於司兵者同義。

○共其金版。義疏有說，或可以備一說。今累之。

○用金石則掌其令。

王應電曰：或給以府庫之藏，或采於所產之地，皆職金掌其令。

司圜

○收教罷民。

鄭錡曰：拘之圜土所以收之。

勞苦以生其善心，所以教之。

○不虧體。

義疏曰：疑即掌戮職所謂髡。

以其既改而髮仍可蓄也。惟髡故無冠飾。

易被曰：司刑之墨劓宮刑殺，虧體者也。職金受士之金罰，劓劓虧財者也。

掌囚

○守盜賊。

王安石曰：凡囚皆守焉，獨言盜賊。

者重也。

○桎拳而桎。

又曰：桎在脰，柱在足，拳在手。

左傳子蕩以弓結華弱於朝則拱在脰
明矣

掌戮

○搏之 注搏當為搏 楊雄曰搏曝也

○凡殺其親者 或曰親言父母 亦一說然
云凡則似非必言其父母而已

○刑盜于市 義疏曰不曰盜亦如之而曰刑
盜于市者劫請攘竊之盜未曾傷人刑或
止於刑剝也上言凡殺人者則殺人之盜已
具其中

○斬殺刑戮亦如之 黃度曰後鄭以戮為

搏禁人辜肆非也戮猶辱也 義疏曰軍旅

則有斬殺曰役則有刑戮也云此云亦如

之專指王之同族與有爵者言之也

○髡者使守積 王應電注以髡為王族

犯官刑而減死者非也公族不翦其類但可

可減為刑以下耳苟降從髡則應剝刑者

不獲減刑乃反重耶 義疏曰先鄭以髡

者為司圜所收罷民似可通蓋能改者反

其列里不能改而出圜土者殺其罪不至

殺而不改者外里莫任將焉置之則長
鬻而使之字積宜矣

司隸

○帥其民

三其字皆承上五隸之文

王應電曰民謂隸之民也隸隸之人於盜
賊能得踪跡故因其能而使之義疏云下
經別列四翟之隸則上所列諸事皆役隸明矣

隸隸

○其守王宮之

宮下無者字與下無

字字亦蓋亦文不曰野舍之屬禁者畧文

耳或曰脫者身之二字

王應電曰以文

勢推之不應言如變隸之事十四字疑闕
隸脫簡而誤見於此義疏曰盜賊之於其
類嘉况又親戚為戮不宜俾守王宮與野
舍故司隸通掌五隸而守王宮與其屬杜不
獨舉四翟之隸此為闕隸下錯簡無疑

闕隸

○役畜養鳥

此役於掌畜也蓋以上經例

推之畜上脫掌字

○掌子

未詳

義疏曰此經不可強解故

存注說掌士二字其有訛脫其

夷夷隸

○其鳥言

未詳其義

義疏曰其鳥獸言

即所謂教擾之也能言之身必人其之言而調習之猛獸媚養已者命以起伏動躍則應焉蓋久而習於人言耳是理或然今備一說

布憲

○掌憲邦之刑禁

義疏曰小司寇令群士宣

布於四方憲刑禁士師又帥其屬而憲禁

令於國及郊野蓋小司寇以令士師而士

師帥其屬憲之其屬之中布憲亦存焉

○宣布于四方

四方指畿內也蓋自郊暨

野布憲上士二人下士四人自執旌節巡之

以宣布刑禁也若邦國四海則以書達之

可禁殺戮

○傷人見血而不以告者

義疏曰不以告者被其之人懼於勢力而不

敢聞請官也入曰職司斬殺戮而所告

無斬殺戮何也傷人見血者必告則相殺

不待言矣。

禁暴氏

○奚隸 奚與隸也。王應電曰奚民間

婦女服役於後宮者。

○司牧之 王昭禹曰司以察之牧以治之。

野步氏

○此國郊及野之道路宿息井樹

劉彝曰地官遺人既掌之矣野步氏主往

來按比之事。

○擊車互 鄭錫曰擊者相值而礙也互者

交互而不行也。

○凡有節者及有齒者

王應電曰有節者不可滯有齒者不可慢

故爲之碎。

○掌凡道禁 王昭禹曰若脩閭氏所謂以兵

車趨行者與馳騁於國中者是也在國之道

脩閭氏禁之在野之道野步氏禁之。

蜡氏

○任人 賈疏詳。義疏曰任人雖別是三

羊不齒服飾與於平民故其刑人同禁。

雍氏

○凡禁於國稼者

句上省一禁字

司悞氏

○宵行者夜游者

云宵云夜不必拘互

文耳

司烜氏

○夫隧

王氏曰考工記金錫半謂之鑿

遂之齊言陽遂則知方諸之為陰言方諸則知陽遂之為圓

○屋誅

賈疏詳

條狼氏

○八人夾道

條狼氏蓋在虎賁氏之前

而辟人也

○凡誓云

義疏曰云凡誓則不独軍旅

及祭祀也

下畧

○車鞅

按聖人之刑而有車鞅似過乎

殘刻矣。但軍中尚威故也。湯誓曰擊戮汝可以見矣。蓋在車則馭之任尤為重。軍之成敗不得不唯馭之由也。故制其刑特重矣。

○誓大夫曰敢不關鞭五百云

義疏曰此專言軍旅之誓也大夫則師帥旅帥也。事有當關白而不關者則鞭之鞭作官刑故也。師謂百夫之長族師節師以下也。不言敢不關蒙上省文也。大夫以下所關者大司馬及本軍之帥也。

○誓邦之大史曰殺云二句義似不穩
義疏以為劉歆之增竄未知果是否歟
欠疑

脩閭氏

○宿互標者 互者言守互者也。下文所謂令守閭互者是也。

燕氏

○毒蟲 大蟲猫蟲之類是也。

○嘉草 若草木狀所謂吉利草之類是也。

○令之比之 義疏曰此官僅下士一人故人有能毆蓋者則令之。而比次其術之高下。

穴氏

○攻執獸 王應龍曰不必皆久藏之也
但取其穴居如執耳

○各以其物火之 義疏云執獸粹不易
得各以其物火之蓋物性各有所畏故
令觸其煙燭而不能藏也

柞氏

義疏曰柞氏攻木 薙氏攻草皆主苑囿之
宜若畿內林麓欲化為穀土或以奠民
居則第掌其政令

○夏日至令刊湯木而火之云

又曰此示人以攻草木林麓之法也凡草木
陰陽和則滋生陰陽極則敗絕夏火盛而
又火之以絕其陰冬水盛而又水之以絕
其陽則萌蘗不生根株腐爛而土可化
矣

○欲其化 言化土壤而使和美也所謂土
化之法也注化猶生未切

薙氏

○掌殺草也 鄭鈞曰殺草之法其去
必以漸春始生之初則薙其萌去其根

尚在也未能不生夏日至則陽極而熱於是艾而夷之猶未能盡其蔓也於是含實蠲育之時則艾刈而蘊崇之及冬日已至陰極而凍則報而刻覆其根使未春不復萌

翦氏

○以攻禁攻之也 又曰其有神則以攻崇攻之其有毒則以莽草熏之
○凡燕蠶之事 或曰蠶疑蠶之訛不然則似與燕氏之職混矣

赤艾氏

○以廢崇攻之 注持其崇以坩之按正字通坩房切埃起也 按坩之言散之也

○隙屋 賈疏隙謂孔穴也埋藏之蟲在屋孔穴之中故以隙屋言之 鄭氏以

為隙屋則離宮別館希御幸之地亦似通

蠲氏

○掌去毒蠲之 劉彝曰宗廟之祭祀賓客之饗燕凡禮樂未作以南靜為敬則蠲龜之喧鳴不可以不禁 按先王特置蠲之職者義或然

壹涿氏

○以牡犗牛貫象齒

賈疏詳

按此一節荒

○義疏以為此劉歆所增竊

誕不可信義疏辨之近是

庭氏

○救日也弓救月之矢

王昭鳥曰弓矢曾用之救日月則其精氣足以勝妖義疏曰大鳥可射太陽豈可射乎救日月陳五方之弓矢亦用以射也若神也以下劉歆所增竊又曰專言

國中者若山林田野則不必禦也曰鳥獸者既不見其形則不辨其為鳥與獸也

銜枚氏

○踞呼鳴歎

劉驥曰聲大而急曰踞高

而緩曰呼嗟而此心口歎悲而傷口嗚

大行人

○大賁之禮大賁之儀

鄭鏗曰論其體則曰禮見於揖遜周旋則曰儀對舉也互文也

○春朝諸侯而圖天下之事也

美疏曰朝覲宗過四時之禮文質繁簡微
有不同要無大異圖事比功陳謨協意大
槩主其所重者亦非存必不可比功而秋
必不可圖事夏必不可協意而冬必不可
陳謨也曲禮天子當依而立諸侯北面而
見天子曰覲其儀禮之覲禮皆於廟而特
見者也秋覲當以之曲禮天子當牖而立
諸公東面諸侯西面曰朝此於路門之外旅
見者也春朝當以之康成云夏宗依春
冬過依秋禮或然其狀謂春朝受執於

朝受享於廟則亦也既受執於朝則受
享亦必於朝矣又又見曰過過者草次之
期豈以冬真暑短不拘何處不必定在朝
廟故謂之過而儀亦從殺其朝覲宗過四
方之諸侯皆有之隨其至之早晚而與之
為禮如疏說則東方者有朝而無覲宗過
也亦空礙而不可行矣

○時會以發四方之禁也
以時會諸
侯無常期謂之時會
美疏云時會殷
同大宗伯大行人既並言之而諸職中言

會同者非一會同二者對文則別。合言則通。故諸官皆連言也。會同則為壇於國外。如司儀職觀禮所云是也。案之鄉師牛人縣師遺人稍人。案人司市賈師諸官會同則有徒從輦車牛車任器委積之共衆庶之作糧食之備。賈價之市而大祝職言大會同。過名山大川用事焉。則會同似不專在邇畿國外者。又案小司馬職。小會同掌事。如大司馬之法。意四方之方伯連帥率諸侯而畢會。則為合會之

大者。若止一方則為會同。少者其。注謂十二歲王不巡守則殷同。據下經巡守殷國。並承十有二歲之文也。然因不巡守而殷國經。並明文。蓋朝覲宗過常禮也。猶祭享之有祠禘嘗烝也。會同盛禮也。猶祭享之有大禘大禘也。盛禮閱數年而一舉。所以所以震耀聲靈而齊一諸侯之心志也。舉盛禮則不復舉常禮。歲無二朝。蓋不欲數勤諸侯矣。注四方四時分未。既朝命為壇於國外。義疏皆刪之。

○歸服 卽大宗伯所謂服播之禮
易被曰蓋大宗伯言其定制而此言其通制
也。

○以同邦國之禮
歐陽謙之曰諸侯之
命諸臣之爵不同既辨而等少則命同爵
同者可以同其待之之禮矣是所謂同邦
國之禮也。

○縹藉九寸冕服九章之
義疏云縹藉聘禮記云朝天子縹九寸三采六
等朱白蒼間諸侯朱綠縹八寸皆玄纁典瑞

職公侯伯縹皆三采三就子男纁皆二采再就
此疏引之未悉縹者其飾也質則玄纁玄纁
蓋帛為之非革也據覲禮及玉纁諸侯禘
冕以朝禘則上公應鷩冕侯伯應毳冕子
男應希冕而此云上公九章則竟冕也其侯
伯七章子男五章均為上服又覲禮偏駕不
入王門入覲但乘墨車而此云貳車五采經
有不同未詳所以
△縹藉別有圖
○其朝位云
注朝位謂大門外義疏以
為大門謂庫門 朝位賓主之間鄭賈以

為朝禮無迎法行朝禮於朝既訖然後王
迎入廟而行享義疏以為齊僕職朝覲宗
遇饗良食皆乘金路其法儀各以其等為
車送逆之節此謂朝覲宗遇之饗良食也
豈此迎入者為饗良食之禮經文但錯舉
而不必順叙與抑天子於諸侯有不純臣
之義春見之法即以賓主之禮行之則方
朝時亦有迎與

○廟中將幣三享 義疏曰朝聘以圭璋享
以璧琮幣則圭璋璧琮之統名也司儀職

諸公相賓及諸公之臣相為國客賈氏皆
以將幣為正行朝聘而用圭璋之禮儀禮
覲聘皆受圭訖旋即行享故無更端且
朝重而享輕受圭於朝而受享於廟疑
無此理則此經當以將幣為受圭而以三
享為受享俱在廟中之為得也若受享
於朝則受享亦於朝或另是一禮此經
特著其在廟者耳

○王再裸

注王使宗伯攝酌圭瓚而裸

鄭鈔曰小宰職曰凡賓客贊裸謂贊王也小

宗伯贊裸將亦贊王也。若宗伯攝酌何用
小宰小宗伯贊之乎。義疏云再裸后職
也。但正行覲享之時后不出則雖禮有再
裸亦大宗伯攝之故。大宗伯職云大賓客
則攝而載裸謂此也。注以贊為攝故誤
耳。

○鄉禮九獻 九獻之數未考。

義疏曰王裸后裸各二獻。王與后又各一獻
為四書。饋九獻未詳。

○朝位當車前 又曰經不言賓主之間則王

無出門迎法。但至朝下車拱立車前聽命。趨
入庫門東嚮入廟耳。

△王禮電曰朝位步數以至門為度。而送以
遠為敬也。立則以進前為敬。故上公立當
軼。侯伯則當疾。子男則當衡也。

○其貢祀物云 又曰此亦約六服所貢

之大分而言。職方氏制其貢各以其所有
六服每歲皆有貢則小行人所令春入貢也。
各以其所貢室為執。注蕃國之君無
執玉瑞者。義疏以蕃服之君未朝未必不

執玉所貴室者或以為享幣耳未知孰是
○換邦國諸侯之辭易被是特言邦國者兼臣民

○存頌省劉韜曰存者問其安否頌者視其治效省者察其風俗

○達瑞節同度量易被曰瑞節達於小行人之官率禮成於掌客之官法則正於匡人之官度量數器同於食方氏之官凡此皆所以待王之巡守也

○王巡守殷國義疏曰巡守殷國因巡守而即以殷國也殷國即殷同之禮因巡守而舉者此經是也有特舉於王國或侯國者則朝覲之盛禮閱數歲一行之也

○若有四方之大事此諸侯以其國之事未生王派王事故大行人不擯也

○掌邦國賓客之禮籍此云邦國賓客者蓋非獨掌賓客之禮籍下文所謂凶

小行人

荒札喪治教政事等之籍兼掌之故曰
掌邦國賓客之禮籍也。義疏曰大行
人曰禮儀小行人則曰禮籍者大行人辨
其位正其等協其儀賓而見之所充護
者儀也小行人各以其國之籍禮之則
不過故藉以時饗食致餼積而已。

○各以其國之籍禮之
其字即承上各字其國之籍言小行人
所掌各國之禮籍也。

○及郊勞、一 及字管下三事。

歐陽謙之曰三車皆非小行人之職但為
承以積而已。義疏云大宋伯惟將幣為
上積則郊勞既館宜使他官故小行人
為承而積積者三人則書夫為末積必
積者五人然後肆師佐小行人承而更
以士克其數矣。

○小客則受其幣也
小客則小行人不積之也。

○使適四方也。王應電曰九儀之禮
大行人既以之同知國矣但恐變故不

齊或歲久沿革不能無異。小行人奉使於四方時，因而和協之，燕禮行之久而無弊也。

○達天下之六節之一

王氏詳說曰：天子使者使於諸侯，諸侯使者聘於天子，其為節一而已。此虎節，人節，龍節，之所以同也。天子王畿之道路，門闕與諸侯之道路，門闕亦一而已。此旌節，符節，之所以同也。其無重節，何也？小行人所達六節，特謂

諸侯使者之入聘耳，非有貨賄之事也。

義疏云：無王節者，此所達惟使節。

邦國所守，非所及也。都鄙用管節者，

別於畿內之都鄙，蓋別嫌明微於其

貴者尤嚴也。此節與掌節職者而

自明。

○合六幣 圭、璋、琥、璧、琥、帛、兩

兩相配，故曰合。

○諸侯之好故 好親好故事故。

△劉敞曰：九儀既正，乃達六節，以為行道之

符乃成六瑞。以為朝見之信。乃合六幣。以
致用享之誠。

○^後令慶賀之。王昭禹曰。慶賀則大宗伯
以賀慶之。禮親異姓之國也。

○令賙委之。大宗伯所謂以荒。禮哀凶

札是也。王應電曰。如縣都之委。積以待
凶。札令邦國移民通財以賙恤也。

○及其萬民之利害云。及字似不穩。或云

上言五物。下又言五物。故中間置及字乎。
△王應電云。將以興利除害。

司儀

○將合諸侯。則令為壇三成云。

注。天子春帥諸侯。拜日於東郊云。義疏駁

之曰。觀禮所云。禮日於南門外。禮月於四

瀆。於北門外。禮山川丘陵於西門外。者。蓋

繼拜日祀方明之後。相傳而為之。非四時

之異也。門即謂壇宮之門。非國門也。

義疏又曰。凡朝觀諸侯。將幣。王禮諸侯。於

廟。無所為壇。儀禮觀禮。既終。附載為壇。帥

諸侯以朝日。及祀方明。乃此經所謂合諸

侯。大宰職所謂大朝覲會同也。此據敦維公之說
△王安石曰：壇三成爲三等。公於上等，侯伯於中等，子男於下等，是也。

○詔王儀南鄉見諸侯之

注：諸公中階之前北面東上之。義疏曰：每成高一尺，則每階也。壇宮雖有四門，諸侯則皆從南門入。其位則自西而東，皆北面。其明堂位朝事，義所言諸侯之位，其諸侯既就位，王乃於壇上揖之，揖之者，升之也。

○及其擯之。義疏曰：擯謂上擯，延之使升也。云云。下畧。

○各以其禮。公於上等，侯伯於中等，子男於下等，是即各以其禮也。

○王燕則請侯毛。義疏曰：此亦謂因合諸侯而燕也。既於國外，則離宮別館，皆可以燕，不必於寢矣。經云：則似亦有不燕時。蓋祭禁施政，容有不需日而遽行者。

○旅擯。鄭銜曰：旅擯者，不上下相傳，直賓及上擯相對而說，不交擯也。而君相見。

則交擯。侯、卿、大夫致之，臣道卑，直對之可
知。

○賓之拜禮云：義疏曰：主君親郊勞，致
館而拜禮不及何也？二禮以拜其末朝之
辱也。故賓與甯拜之不拜，還主者還主，非
加禮也。

○及大夫郊勞云：易教曰：諸公先再勞而後主君郊勞。若諸
公之臣使大夫勞之於近郊而已，主君郊勞
則交擯，大夫郊勞僅旅擯而已。

○及禮私面私獻 及字蒙下三事。

○凡侯伯子男之臣以其國之爵云：其國之爵，即言侯伯子男也。侯國之臣聘
于侯國，伯國之臣聘于伯國，謂之以其國
之爵相為客也。

○相為客而相禮 相並如字。

○凡四方之賓客云：義疏曰：上經言同等
之國君相朝，及使卿相聘之禮，而未及大
小之國相朝相聘者，故統舉四方之賓客
以從其辭而上下包之。

○忘賓客句
○不正其主面
○不正南鄉又不正北鄉也

行夫

○居于其國則一
○居其國則二也
○則役其煩役之事然則諸隸受役行夫令之矣

象正

○而賓相之

而與則字意通賓音擯

○凡國之大喪一
行人錯簡蓋貳之職事一
大行人詔相諸侯之禮則詔相國也一
行人也凡諸侯之王事大行人辨其位正其等協其禮賓而見之則軍旅會同受國幣而賓禮之必小行人也一
賓客之禮籍辨別等威最明故作事亦備之乃得人其事稱也

掌客

○年禮餼蘇飲食之等數

易被河字禮即凡用宰之禮餼謂九宰之類
類謂會獻之類飲食謂饗燕特食之類
鄭錫曰等如同儀所謂以二等從其爵而上下之數即下文所陳之數

○且十有二宰 請侯長十有再獻

義疏曰此會同既畢而饗請侯以五等咸在故併饗長之有再獻者九獻為止三獻為加猶正馬九陪馬三也注謂獻如其命數若然恐窮日不給矣此長字如燕禮大夫長升受旅之長謂尊先卑後而次第獻之也

群侯雖多以十二獻統之畢則已十二宰者亦以羣侯多不可徇陳故總用十二宰以此為人人受獻人人有宰也

○從者三公
言公卿大夫士燕子之從于王者也

○既殮牽 是言宰數也

○殷膳 或曰殷猶殷奠之殷是非日日之所供以時共盛饌謂之殷膳矣

○親見卿 依注解之文似不穩或是有脫誤乎

○在野在外 野言國之野外言國外。

掌誅

○與士逆賓于疆

義疏曰必與誅士俱者

以備暴客賓客之從者或有鬪爭亦不敢專治而歸於誅士也

○及宥 是非必三十里有宥之宥蓋大

既言賓客所宿之處也

○入復 後鄭是

○凡賓客之治令誅也

義疏曰賓客之治謂賓客有事於王朝與

王朝之公卿大夫士一切往來之禮皆是

也賓客以令掌誅則掌誅治之

○士皆有誅 又曰不言誅之人者士多則

誅者不定也

○凡誅者 王應電曰此非掌誅之職以其

同為誅故附載於此 義疏云謂上所云卿大夫

士皆待賓至而後往也

掌交

○邦國之請侯及萬民

故以邦國蒙之

兼言請侯及萬民

○使和請侯之好

使字管下二句。

或曰說如字亦通

○掌邦國之通事

義疏曰注通事謂朝

覲聘問非也蓋非朝聘之期而鄰國有事欲相通則因王官之巡行而達其意也其事如通防交糴聯婚誥浦逃之類

○其朝大夫

言各掌其國者也。亭官曰。

朝大夫每國上士二人

○大事不囚

鄭錫曰其君長當自至。

山縣禎考

論語折衷三

山縣禎錄

八佾第三

邢昺曰此篇論禮樂得失也

首章

邢疏此章論季氏僭用禮樂之事謂者評論之稱

馬融曰佾列也天子八佾諸侯六卿大夫四士二

疏邢 傳隱五年左 八人為列八八六十四人魯以周公故

受王者禮樂有八佾之舞季氏僭於其家廟舞之

邢疏祭統云昔者周公黜勞於天下成王康

王賜之以重祭。朱干玉戚以舞大武。八佾以舞大夏。此天子之樂也。又明堂位曰：命魯公世世祀周公。以天子之禮樂。是受王者禮樂也。然唯得於文王周公廟用之。禎按：諸侯不敢祖天子。魯恐無文王廟。若用之他廟，為僭也。故昭二十五年，公羊傳稱：昭公謂子家駒曰：吾何僭哉？答曰：朱干玉戚以舞大夏，八佾以舞大武，此皆天子之禮也。是昭公時僭用他廟也。韋昭曰：八人為佾，備八音也。王字泰曰：每佾人數如其佾數。此杜預何休說也。然以愚論之，舞者所以節八音，八音克諧，然後成樂，必以八音為列。

自天子至士，降殺以兩，兩者減其二，列自若。每列遞減，至士止，餘四人，則八音不具，豈復成樂？哀公十一年，鄭伯賂晉悼公，女樂二八，晉以一八賜魏絳。此樂以八人為列。字鼎引宋書傳隆之說，亦同此。蓋王氏所本。字鼎曰：郊特牲云：公廟之設於私家，非禮也。由三桓始也。昭公二十五年，將禘於襄公，萬者二人，其眾萬於季氏。臧孫曰：此之謂不能庸先君之廟。大夫遂怨平子，然則其僭也久矣。舞於庭，古注曰：於其家廟舞之。邢昺據以為家廟之庭。詩曰：碩人嗚嗚公庭萬舞。今上曰：季氏而曰於庭，其為家廟之庭明。

矣。禎按三家皆建桓公廟而用天子之禮樂是擬公室也。蓋因此其他廟亦僭用之矣。

朱注季氏以大夫而僭用天子之禮樂孔子言此事尚忍為之則何事不可忍為謝氏曰季氏忍此矣則雖弑父與君亦何所憚而不為乎。徐岩泉曰是字指僭八佾。禎按上也字是則字之意忍字詩所謂先祖匪人胡寧忍弔左傳令尹子上曰是人也。蓬目而豺聲忍人也申亥曰君不忍惠不可弃。晉語驪姬曰有父忍之況國人乎皆同意。

三家者以雍徹章

皇疏魯桓公之嫡子莊公為君而庶子慶父叔牙季友也。仲孫是慶父之後叔孫是叔牙之後季孫是季友之後子孫皆以其仲叔季為氏。並是桓公之子孫故稱孫亦曰三桓。仲孫氏改仲曰孟孟者庶長之稱也。邢疏卿大夫稱家。物氏曰者字無意義如三子者之者。

馬融曰雍周頌篇名天子祭於宗廟歌之以徹祭今三家亦作此樂。字鼎曰周禮樂師及徹帥學士而歌徹小師職大祭祀徹歌大饗亦如之鄭玄謂歌雍然則祭祀及饗以雍徹器者天子之禮也。

毛萇曰相助也。禎按物氏解相為儋相。字鼎辨之。

曰儋相祭祀宗伯所掌諸侯助祭自有其事何必

為儋相也。

按周禮大宗伯職凡祀大神享大鬼祭大示詔相王之典禮。

朱子曰辟公諸侯也。字鼎曰諸侯者兼內外之稱。

畿內諸侯二王之後亦在其中。辟公其尊稱猶天

子言辟王也。

邢疏曲禮云天子穆穆爾雅釋詁云穆穆美也是天

子之容貌穆穆然美也。

朱子曰雍詩之詞孔子引之言三家之堂非有此事

亦何取於此義而歌之乎。仁齋曰當時之人視

三家僭禮不徒不能規其非反舉之以為美談故

夫子作之以明其僭妄之罪且欲其聞而改之也

禎按三家之僭天子蓋自其設公廟來慣以為

常恬不之省故夫子舉其辭之尤易見者以明示

其非也朱子以無知妄作罪之仁齋以不學責之

亦有以也夫

人而不仁章



